



Headline: Bakal pengantin kerugian RM21,668 ditipu sindiket pinjaman dalam talian Language: Malay

Publication/Portal: Utusan Borneo (Sarawak)

Section: Nasional

Date: 25 January 2019

Page: 14

## **Bakal pengantin kerugian RM21,668 ditipu sindiket pinjaman dalam talian**

**KEPALA BATAS:** Sepasang bakal pengantin kerugian RM21,668 selepas ditipu satu sindiket yang menggunakan media sosial Facebook untuk menawarkan pinjaman kewangan yang tidak wujud.

Ketua Polis Daerah Seberang Perai Utara, ACP Noorzainy Mohd Noor semalam berkat dalam kejadian 10 Jan lepas pasangan itu mahu membua pinjaman sebanyak RM100,000 tetapi sindiket berkenaan memperdayakan mereka dengan meminta membuat bayaran awal terlebih dahulu untuk membolehkan permohonan mereka diproses.

“Mangsa iaitu bakal pengantin lelaki yang berusia 32 tahun dan bekerja sebagai pengurus kilang telah menerima mesej WhatsApp daripada individu tidak dikenalnya dan terperdaya dengan iklan pinjaman tersebut.

“Mangsa telah menghubungi nombor telefon tersebut dan berhubung dengan tiga lelaki yang mendakwa ejen syarikat Maste Credit Sdn Bhd yang menawarkan pinjaman peribadi,” katanya di sini semalam.

Katanya mangsa dan pasangannya berusia 29 tahun kemudian bersetuju membuat pinjaman wang RM100,000 untuk kegunaan bagi memajukan lagi syarikat dan telah diminta membuat pelbagai bayaran kononnya untuk membuka akaun insurans dan yuran memproses pinjaman. — Bernama